



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronicon Cisterciensis Ordinis

Le Mire, Aubert

Coloniae Agrippinae, 1614

Epistola Ioannis, Et Benedicti, Cardinalium ad Paschalem II. Papam, in
fauorem Cistertiensium.

urn:nbn:de:hbz:466:1-11259

legium etiam congruum duximus in hoc opusculo relinquere, vt posteri nostri intelligant quàm magno consilio & auctoritate Ecclesia eorum sit fundata.

EPISTOLA IOANNIS, ET BENEDICTI, Cardinalium ad Paschalem II. Papam, in fauorem Cisterciensium.

DOMINO Patri Papæ Paschali, & ubique laude eximia prædicâdo, *Ioannes & Benedictus* seipfos per omnia. Quia vestri moderaminis est omnibus Ecclesijs prouidere, & iustis poscentium votis manum porrigere, vestræque iustitiæ adiumento religio Christiana fulta incrementum debet sumere, vestram Sanctitatem obnixius deprecamur, quatenus harum litterarum baiulis nostro consilio à quibusdam religiosis fratribus Paternitati vestræ missis aures pietatis vestræ flectere dignemini. Petunt eum vt præceptum quod de quiete & suæ religionis stabilitate, à prædecessore vestro Domino nostro beatæ memoriæ Papa *Vrbano* acceperunt, & quod secundum eiusdem præcepti tenorem, Archiepiscopus Lugdunensis tunc Legatus, & alij Coepiscopi & Abbates, inter eos & Molisimensem Abbatiam, à qua religionis causa discesserant, definiuerunt, vestræ auctoritatis priuilegio, in perpetuum

B 2 maneat

maneat inconuulsum. Ipsi enim vidimus, eorumque veræ religioni testimonium perhibemus.

*EPISTOLA HVGONIS LVGDV-
nensis Archiepiscopi, ad eundem, in
favorem eorundem.*

REVERENDISSIMO Patri & Domino suo Paschali Papæ II. Hngo Lugdunensis Ecclesiæ seruus, per omnia seipsum. Fratres isti præsentium geruli ad Paternitatis Vestræ Celsitudinem tendentes per nos transitum fecerunt: Et quia iuxta provinciam nostram, videlicet, in Episcopatu Cabilonensi mansionem habent, humilitatis nostræ litteris apud Celsitudinem Vestram se commendari petierunt. Sciatis autem eos esse de quodâ loco, qui novum monasterium vocatur, ad quem de Molismési Ecclesia cum Abbate suo exeuntes, propter arctiorem & secretiorem vitam, secundum regulam beati Benedicti, quam proposuerant tenendam, habitatum venerunt, depositis quorundam monasteriorum consuetudinibus, imbecillitatem suam ad tantum pondus sustinendum imparem iudicantium. Vnde Molismésis Ecclesiæ fratres, & quidam alij adiacentes monachi, eos infestare & inquietare non desinunt, æstimantes se viliores & despectiores haberi
apud